



# ЛЕНИНЭНЬ КШЯВА

Весе мастортнэнь пролетарийтне, пурнаводо ведо!

ЛИСИ: 9-це ие,  
12 № ковс

НОВАБРЯНЬ

16 - ц е ч и

1939 ИЕ

150 (1134) №

ВЛКСМ-нь Мордовской обкомонтъ ды  
Саранск ошонь комитетэнтъ газетаст

## ТРАКТОРИСТКАНЬ ОД КАДРАТ

Од тейтерть, трактор лангс! Те призываеть ульнесь максозь те иень тунда Тимирязев лемсэ велень хозяйствань академиянь кун-солыцятнень, знатной трактористкатнень ендю, конатнень лемест содасынзе весе масторось, те Ангелина, Ковардак, Мухортова ды лият. Сынст призывает лангс откликнулись кеметь тышат од тейтерть. Весе сын палст ве мельсэ, тонавнемс тракторонтъ производствасто апак тые. Истя шачсь патриоткатнень те замечательной од движениясь ды эрва республикась, краесь ды областесь кеместэ кундасть сенень, штобу максомс авантень-родинантень 100 тыща тейтерть-трактористкат.

Минек масторонь патриоткатне—од тейтерть-аватне, конат беспредельно преданной Ленинэнь-Сталинэнь теветень, кода и весе минек советской народоськак являтьтэ, што бути партиясь ды правительствась тердсынзе Якстере Армиянь победоносной знамянь алов минек братонок ды мирденек, од тейтертне-трактористкатне должны сынст полавтомс, секс што минек колхозной паксятне эрва зярдю должны улемс соказы ды сюлав урожаенть урядазь.

Анокстамс 100 тыща од тейтерть-ават трактористкакс производствасто апак тые, те задачанть топавтоманзо партиясь поручил Ленинской комсомолонтень. Штобу возглавить те патриотической движениянь ды топавтомс те почетной задачанть, эрвась комсомолонтъ пельде подлинно-большевистской руководствань ды организованностень размах те движениянь лангс.

Течи печататано Кочкуровской районь "Темпы" Совхозонь трактористкатнеде, конат производствасто апак тые прыдызь

тракторной курсатнень ды получить аттестатт трактористкань-леметь лангс. Сынст эйстэ 8 ломать, комсомолкатне Шилина, Драняева, Бутусова ялгатне курстнэнь прыдызь отлично, мейсэ сын невтсть пример республикань од тейтертненень. Те примерсь должен служамс весе од тейтерть-аватненень, комсомолкатненень, кода эрви топавтомс задачантень, конат аравтозь партиянь ды комсомолонтъ ендю. Сын те почетной леметь получиць эсь упорной роботасост ды тонавнемасост. Тень коряс покш организационно-массовой робота ветясь комсомольской комитетэсь ды ВЛКСМ-нь Кочкуровской райкомось. Те васень выпусконтъ мейле совхозонь комсомольской организациясь эссе прыдо эсь роботанзо, ней сын организавать омбоце курст, косо тонавтнить производствасто апак тые 14 од тейтерть-ават.

Но теск жо сави тешкстамс, што аволь весе ВЛКСМ-нь райкомтне кундасть те теветень истя серьезнасть, кода "Темпы" совхозонь комсомольской организациясь. Улить райкомт, кода Козловской, Шайговской, Лямбирской ды лият, косо течинь чис эть анокста вейкеж трактористка. ВЛКСМ-нь райкомтненень эрви серьезнасть кундамс те важной роботантень, конань ули покш значениязо кода народнохозяйственной, истяжо и оборонной. Лездамс од тейтерть-аватненень трактористкань квалификациянь довамосонтъ, теньсэ од тейтертне еще весть невтсьсызь эсь преданностест, самоотверженностест, трудонь доблестест ды анокчист минек родинанть ванстомасонтъ, анокчист эрвикс шкасто полавтомс цератнень трактор лангс роботамосонтъ.



Сталино ошонь 10-це № школань тонавтницятне, комсомолкатне-агитатортне (керш ендю витев): Марина Дьяченко, Софья Кукуш ды Гольдман трудицянть депутатнень местной Советнэс кочкамонтнеде конференциясо.

(Фото-клише ТАСС).

## Прядовсть Украинской ССР-нь ды Белорусской ССР-нь Верховной Советнэнь Внеочередной Колмоце Сессиятне

Ноябрянь 14-це чистэ Киевсь прыдызе эсь роботанзо, Украинской ССР-нь Верховной Советэнь Внеочередной Колмоце Сессиясь, кона кемекстызе законь проектэнь "Украинской Советской Социалистической Республиканть составис Западной Украинанть примамодо". Аплодисментэнь виев зэрт ало Сессиясь примась приветствия Сталин ялгантень.

Ноябрянь 14-це чистэ Минскойсь прыдызе эсь роботанзо Белорусской ССР-нь Верховной Советэнь Внеочередной Колмоце Сессиясь, кона кемекстызе законь проектэнь "Белорусской Советской Социалистической Республиканть составис Западной Белоруссиянь примамодо". Аплодисментэнь виев зэрт ало Сессиясь примась приветствия Сталин ялгантень.

## Саранскоень аэроклубонь учлетнэнь выпускось

Ноябрянь 14-це чистэнтъ Мордовской зимней театрань зданисонть ульнесь вечер, кона посвященоеель Мордовской аэроклубонь учлетнэнь выпусконтень. Пилотнэнь анокстамонтъ коряс те иень роботадонтъ ды сы иень задачантнеде докладонтъ теизе аэроклубонь начальникесь Митрофанов ялгась, кона эсь докладсонзо тешкстызе, што те иестэ аэроклубось нолд 5 раз седе ламо пилотт, чем 1936 иестэ. Виев аплодисментэнь зэрт ало покш мельс-паросо ульнесь примазь серма международной пролетариатонь вождентень Сталин ялгантень.

Тезде мейле аэроклубонь штабонь начальникесь Шевченко ялгась ловнызе приказонтъ сех вадра учлетнэнь (Носковонь, Борейкинэнь, Романовонь, Антиповонь ды лия ялгатнень) премированиядо. Теке марто вейсэ, честной ды самоотверженной роботанть кис, Шевченко ялгантень, прок сех вадра летчикентень-инструкторонтень, ВЛКСМ-нь Мордовской обкомонтъ пельде ульнесь максозь переходящей якстере знамясь.

Меельс-пелев, невтезель "Слава" постановкась.

П. Любаев.

## Сехте вадратнень—районной советс депутаткс кандидатокс

Чамзинкань МТС-нь ды МТМ-нь робочейтнень ды служащейтнень пельде районной Советс выдвинут сехте вадра комбайнерось Федор Евдокимович Князев ялгась.

Чамзинкань "Декабрист" лемсэ колхозниктне ды колхозницатне райсоветс эсест депутаткс кандидатокс выдвинули колхозницанть Евдокия Михайловна Русева ялганть.

"Красные бойцы" колхозникеней вейсэнь собраниясь ве мельсэ выдвинул райсоветс депутаткс кандидатокс ВКП(б)-нь Чамзинкань райкомонь васенце секретаренть-орденоносецэнтъ Филипп Алексеевич Тугушев ялганть.

Чамзинкань пенькозаводонь робочейтне ды служащейтне райсоветс эсест депутаткс кандидатокс выдвинули сехте вадра роботницанть Серафима Павловна Спирина ялганть.

\* \* \*

Кочкуровской районь Сталин лемсэ колхозонь вейсэнь собраниясь райсоветс депутаткс кандидатокс выдвинул НСШ-нь директоронтъ, "За трудовое отличие

медальсэ" награжденоеентъ Елизавета Сергеевна Пителина ялганть.

Теке жо районь Од Пырмавелень "Якстере теште" колхозниктне эсь пельдест райсоветс депутаткс кандидатокс выдвинули ВКП(б)-нь райкомонь васенце секретарентъ Иван Спиридонович Алексеев ялганть.

Теке жо районь Морд. Давыдовань "Мировой пролетарий" колхозонь вейсэнь собраниясь выдвинул райсоветс депутаткс кандидатокс колхозной комсомольской организациянь секретарентъ Владимир Егорович Куштайкин ялганть.

Мурань велень трудицятне выдвинули райсоветс эсест депутаткс кандидатокс колхозонь председателентъ - комсомолецэнтъ Иван Семенович Деряев ялганть.

Райздравонь коллективесь—комсомолканть Евдокия Ивановна Елистратова ялганть, ВЛКСМ-нь райкомось—комсомолканть Аниа Захаровна Карбаева ялганть. Выдвижениясь моли.

# Од тейтерть, трактор лангс!

Саеде пример „Темпы“ совхозонь од тейтертнень пельде

## Тонавтнинь отлична, роботамо карман рекордна

Васня мон роботынь совхозонь бухгалтериясо расчетной группань счетоводокс, ней роботан кас-сирэкс. Икелеяк, нейгак мон ро-



ботан а беряньстэ, но видкстан, што неть роботатне монь а мелень коряс. Монь истямо обуцам, што вечкан простор ды виев машина, но истямо роботасо мекс бути те шкас монень роботамс эзь саво. Теде башка, монь эйсэ умок уш палы мель улемс трактористкакс-стахановкакс.

Знярдо мон ловныя знатной трактористкатнень обращенияст миненек—тейтерь-аватненень, монь саямим певтеме радость ды мон весемеде икеле сермадстыя прям трактористкань курсос тонавтнеме

Икеле мон пек ламо арсинь машинанть коряс, но мон сонзэ эзия сода,

эзинь сода кода сон роботы ды кодат покшт сонзэ роботань воз-можностензэ. Машинанть марто васень знакомствадонть мейле мон карминь седеяк пек сонзэ вечкеманзо ды весе вием карминь путомо сонзэ тонавтнеманть. Мон весе ютко шкам ютавтынь книга вельксэ ды мастерскойсэ, секс монь тонавтнемань теориясь ды практикась вейсэндязельть вейс. Эрва ачаркодевикс вопро-сонть марто мон якинь эсенек механиктненень ды преподаватель-тненень, конатне покш мельсэ толковилизь тень ачаркодевикс вопро-сонть. Истямо тонавтнемань результатокс лиссь се, што мон тракторонть коряс испытаният-ненень максынь на отлично.

Ней монь бажамом топавтовсь, ды пек часливоян! Ней мон скамон, лиянь лездамвотомо могу ветнеме тракторонть—эсенъ вечкевикс стальной, виев ялганть, конань лангсо роботаць, мон весе вием ды способностень путсынь сенень, штобу использовать тракторонть весе виензэ, ды тень эйсэ невтеме певтеме вечкемам ды преданностем аванть-родинанть, большевистской партианть ды минек вечкевикс тейтерень, ломанень часиянь великой мастерэнтень, минек одкс-чинь валдо чинть Сталин ялганть. Бути тонавтнинь мон отлична, то роботамо карман рекордна.

Снартындеряйт врагтнэ кая-вомо минек родинанть лангс, мон анокан полавтомс тракторонь ру-ленть танкомс управления лангс, штобу максомс сокрушительной отпор азарсь врагонтень.

Таня Драняева.

## Топавтовсть монь заветной мель-арсеман

Пек вечкса мон машинанть ды монськак а содан мекс истявечкса. Монь кемгавксово иень. Эй-какш пингстень минек паксява якасть уш тракторт ды автомо-



билить. Пек вечкелинь мон ваномо, кода роботы тракторось: истямо виев, пек увныця. Тракторонь увномадонть мон пелькш-нынъ, но яла теке аштинь сонзэ маласо, секс што сонзэ эйстэ эзь пеле трактористэсь, конась кода мелезэ истя и теи тракторонть марто, прок кунсолыця лишмень ветни ды велавтнэ эйсэнзэ. Монь эсенъ покш мелем ульнесь улемс трактористкакс, но ков уш монень—тейтернень кунцемс истямо аизнявикс тевс! Истя мон арсинь вишка-чива ды се шкас, зняр эзинь понго роботамо совхозонь дет-ялсая, косо те шкас роботан заведующеекс. Тесэ мон неинь эсенъ сельмсэ, кода роботыть трактористкатне ды максынь вал

обязательна улемс тракторист-какс.

Ней вана мон прядынь трактористкань курстнень на хорошо ды теевинь алкуксонь тракторист-какс. Монь заветной мель-арсеман теевсть алкуксонь тевекс. Кодамо счастливой ломанесь, ко-на пачкоди эсензэ целентень!

Пасиба большевистской партианть ды сонзэ великой руководи-телентень Сталин ялганть!

Настя Бутусова.

## Организоваць трактористнень курст

Кочкуровань МТС-сэ организо-ваць трактористнень курст 54 ло-маньстэ. Сынст ютксо 27 тейтерь-ават. Курсантнэ кармить тонавт-неме производствасто апак туге.

Курстнень туртов аноктазь по-мещения, учебникть ды наглядной пособия; ней явить преподава-тельть МТС-нь сех вадря специа-листнень ды служащейтнень эйстэ.

Курстнэ ушодсысь эсь роботаст ноябрьнэ 15-це чистэ.

## Омбоцеде молить вельхоз-выставкас

Кочкуровань МТС. Тейтертне-трактористкатне Малышева Мария ды Акимова Татьяна эсест стахановской роботаст кисэ те истянтнень кучозельть велень хозяйствань Всесоюзной выставкас. 1939 иень сезонстонть СТЗ тракторсо сынн сокасть: Малышева—500 гектарт 315 гектар сонзэ норманть таркас ды макссь горючеень экономия 700 кг; Акимова—400 гектарт, макссь горючеень экономия 500 кг.

Ней Малышева ды Акимова ялгатне уш оформленнойть участ-никекс—в/х. выставкас 1940 иестэ.

## ЗАМЕЧАТЕЛЬНОЙ ОД КАДРАТ

Знярдо минек масторонь знатной трактористкатне Ангелина, Ковардак, Мухортова ды лият обратились призыв марто минек масторонь весе од тейтертненень тонавтнемс тракторонть ды озамс сонзэ лангс роботамо, знярдо советской патриоткатнень те замеча-тельной инициативанть кемекстызь эсь постановленияст ВЛКСМ-нь ЦК-сь ды СССР-нь Наркомземс, ламот минек тейтертнеде ды ават-неде упорнойстэ ды покш мельсэ кундасть тракторонть—минек велень хозяйствасонть сехте эря-викс ды сехте массовой машинанть тонавтнеме, производствасто апак туге.

Ламот неть од тейтертнень ютксо невтсть замечательной обра-зецт тракторонь освоениясонть, ламот сынст эйстэ курстнень сда-ли на отлично весе предметнень коряс ды производственной прак-тикасо невтизь эсь прят алкуксонь квалифицированной тракто-ристкакс. Те секс, што тонавтне-масонть минек советской тейтер-тне нейсызь эсест целест, то-навтнемстэ жо свал кирдить мель-сэст сень, што сынст тердить те тевентень большевистской парти-ясь, советской правительствась ды

Ленинской комсомолось, конатне эрва шкане заботить сынст эря-момс, тонавтнемаст ды часияст кисэ.

Минек Мордовиясонть васен-цетнеде вейкекс откликнулись знатной трактористкатнень призы-вест лангс Кочкуровской районь „Темпы“ совхозонь работницатне од тейтертне. Сеске жо ВЛКСМ-нь ЦК-нтэ ды СССР-нь Наркомзе-менть постановленияст лисема-донть мейле из“явили желанияст тонавтнеме 11 од тейтерь, ко-натнестэ и организоваць тракто-ристкань курст. Курстнэ ушо-дызь эсь роботаст маень 15-це чистэ. Преподавательской соста-вось пурназель эсест совхозонь сех вадря специалистнень ды слу-жащейтнень эйстэ, конат ветясь теориянткак ды практикантькак.

Курсонь организовамонь иници-ативанть максызе помполитэсь (сон жо комсомолонь первичной организациянь секретарь) Драняев ялгась, конась курстнень робо-танть перть проявлял покш работа тонавтнемань вадря условиятнень коряс. Сон ветясь бороцямо 100 процентнень посещаемостенть кисэ, добувась учебникть ды наглядной пособия, конатне васень шкас-

тонть эсть сато ды лият. Истя жо пек лездасть курсонь робота-сонть тракторной бригадань бри-гадиртнэ-механиктне П. Н. Малин-кин ды Л. Н. Павельев ялганте, конат эсест преподаваниясонть максызь курсанткатненень эсест знанияст ды роботань опытэст. Кизень перерывтнень ловозь курст-нэ весемезэ роботасть нилешка ковт.

Октябрьнэ 31-це чистэ ульнесь выпуск. 11 курсанткатнеде само-стоятельной трактористкакс нол-дазь 8 ломать. 4 ломать, образо-ваниянь алкине уровенест кувалт, испытаниятнень кой-кодамо раз-дельнъ коряс не сдали. Сынн ка-дозь дополнительной занятияст. Кавксо курсанткатнень ютксто 3 ломать сдали на отлично, 2—на хорошо ды 3—на удовлетвори-тельно. Но сынн весе кавксонест могут самостоятельно роботамс тракторсо, сынн кавксонест кар-мить улеме минек трактористнень кадратненень замечательной од пополненияк. Ней „Темпы“ сов-хозсонть организоваць ды уш ро-ботыть тейтерень-трактористкань од курст 14 ломаньстэ.

Тракторось—пек виев машина. Сонзэ виев увтозо, кода аштят сонзэ вакссо, лиясто совавы а содыця ломанень потс такодамо пелема: вот-вот, думат, мезеяк

эйстэнзэ сезеви ды ливти чамазот. Секс минь, знярдо марясынек „тракторист“ лементь, представ-ляем сонзэ пек покш вий марто ломанекс. Трактористкатнень лия-сто рисови минек воображениясь истямо ломанекс, конат эсест ви-дэст коряс седе пек молить цера-енов, чем од тейтерь или ава-енов.

Но те ансяк воображения. Дей-ствительностесь овси лия. Минь ульнинек „Темпы“ совхозонь од трактористкатнень кедьсэ ды се-дейшкава кортнинек мартост сынст тонавтнемадост ды икеле пелень роботадост. Минек икеле аштесть 18—19 иесэ од тейтерть, конатне пек скромнойстэ, натой виздезь ладсо, кортасть мартонок эсест седей-арсемадост, машинанть покш вечкемадост ды родинанть туртов покш лезэн максомань пси бажамадост. Сынст марто кор-тамодонть мейле сеске кармат кемеме, што неть нежной тей-тертне роботасо не уступят виев цератнененьгак, што сынст ютксо, паряк улить сы шкань знатной трактористкат—трудонь героинят Ангелинань, Ковардаконь ды лият-ненъ кондят. Сынст роботаст не-езь, эрва ломанень кенярдозеви седеезэ, а поэтэсь бу евтаволь:

Кенярдозь неить сельметне;  
Паксятнень васолксост сзятъ



Сыроваткина ягась.

Синицина ягась.

### НЕЙ УШ БОЛЬШЕ СЕЛЬМЕНЕК А СЯВАДЫТЬ

Икеле, знярдо годявтаном паксяс ды несынек тракторонть сокамсто или знярдо сьть трактористнэ совхозов эсест увныця виев тракторост лангсо, минек сельведень лисемс сьвадсть сельменек трактористнэ лангс ды натой жеженек сакшность эсеек лангс сень кисэ, мекс минь аволь трактористкат.

Знярдо маринек, што минек совхозсонть организовасть трактористкань курст, производствасто атак тые, минь сеске жо явинок покш мель тонавнемс тракторонть ды мейле роботамс те пек почетной роботасонть, кодамо трактористнэ роботась. Ней минь содасынек тракторонть ды можем роботамо сонзэ лангсо. Те мелесь эрва шкане валы эйзенеке валдо радость.

### СЕДЕЯК ВАДРЯСТО ЮТАВТСЫНЕК ОМБОЦЕ КУРСТНЭНЬ

Минь аволь специалист-преподаватель, но савсь тенеке преподавать трактористкань курстнэсэ механиканть ды тракторонь вождениянь практиканть коряс.

Преподаваниянь шкастонть минь бажинек максомс тонавницияненень эсенеке весе знаниянок ды

Ды тейтерень нежной кедьтне Кеместэ кирлить руленте...

„Темпы“ совхозонь руководствась, партийной ды комсомольской организациятне тейтерень-трактористкань курстнэнь организовамосонть ды од трактористкань замечательной кадратнень нолдамосонть по-большевистски, тевсэ отвечасть знатной трактористкатнень призывест ды ВЛКСМ-нь ЦК-нть ды СССР-нь Наркомземементь сядо тыща тейтерень-трактористкань тонавтомодонть вейсэнэ постановленияст лангс. Тень коряс сын аштить вадря примеркс минек весе республиканть келес. Совхозонь, МТС-нь ды колхозонь весе руководителенень, партийной ды комсомольской организациятнень эрви саемс те замечательной примернть, кода можна седе ламо ды седе парсте тонавтомс тейтернень-трактористкатнень, штобу использовать сынст певтене виенть ды желаниянь роботамс тракторсо, штобу максомс тенст возможность лисемс тунда паксяв вечкевикс стальной коньтнень лангсо ды ветнемс сынст минек паксянь голубой простортнэнь эзга, штобу топавтомс партиянь, правительстванть ды Ленинской комсомолонть заданияст.

Петр Гайни.

Ней минь учотано тунда видемантень тракторонь ремонтонть, косо роботазь, минь еще седеяк пек ды подробнойстэ тонавтнесынек тракторонть, штобу уш тунда видемасонть лисемс сонзэ лангсо самостоятельна роботамо.

Ней уш минек больше а сьвадыть сельменек киньгак лангс, минь пек гордойтяно ды чапливойтяно секс, што минь советской масторонь трактористкат, кинь тердинзе те тевентень партиясь, правительствась ды Ленинской комсомолось. Минь весе виенеке путсынек сенень, штобу честь марто оправдать эсенеке лементь ды топавтомс минек икелев аравтозь задачатнень.

Вера Синицина,  
Настя Сыроваткина.

опытэнеке. Но тень целанек теемс тенеке эзь удала, секс што те тевсанть а саты еще улемс ансяк механикекс, эрви улемс еще преподавателекс. Курстнэнь ютамонт перть минь приобрели преподаваниянь кой-кодама практика.

Ней минь преподаем омбоце курстнэсэ ды арсияно сынст ютавтомс еще седеяк вадрясто васенцетнень коряс.

Тракторной бригадань бригадирнэ Малинкин ды Павелъев.

### Культмассовой роботань результатсо

Косогор велень неполной средней школань первичной комсомольской организациясь тонавтнемань те иестэнь вадрясто ладизе культмассовой роботанть тонавнициятнень ютксо. Тосо сеедьстэ рсить беседат, конатнесэ кочкамотнеде Положениядонть башка гонавнить партиянь ды правительстванть важнейшей решениязо, международной положенияньт ды лият. Вадрялгавтызь эсь роботаст самодеятельной кружоктне, регулярна лисни стенгазета.

Культмассовой роботань результатсо, касы комсомольской организациясь. Октябрь ковсто комсомолс примазель 5 тонавницият-отличникть. Нейгак ламо тонавницият эсь прят анокстыть ВЛКСМ-нь членкс, теньсэ тенст лездыть политически грамотной комсомолецтнэ.

Д. Бурсуков.

Б.-Березниковской р-н,

### Оправдать агитатор лементь

Игнатовской средней школань первичной комсомольской организациясь, кода эрвиак, трудициянь депутатнэнь местной Советнэс кочкамотнеде Положениянь толковамо явсь ламо комсомолецт-агитаторт. Истят агитатортнэ, кода Горюков, Названова, Бочкарева, Самойлова ды Бершин ютавтсть избирательтнень марто 18 беседа, конатнесэ ульнест 123 колхозник. Теке жо организациянь комсомолецтнэ-агитатортнэ, Асманов ды Дорофеев вестькак еще арасельть избирательной участкасо, эсть ютавто вейкеак беседа. Седеяк берянь се, што кой-кона комсомолецтнэ ды коми-

тетэнь членэсь Стенькин ягась, те шкас еще сынсь эзизь ловно трудициянь депутатнэнь местной Советнэс кочкамотнеде Положениянь.

Сень кис, штобу парсте вастомс ды ютавтомс трудициянь депутатнэнь местной Советнэс кочкамотнень, Игнатовской средней школань первичной комсомольской организациянь комитетэнтень, кода и комсомолецтнэ-агитатортнэнь, эрви седе кеместэ кундамс агитационно-массовой роботанть. Агитаторонь лементь эрви оправдать честь марто!

М. Еремеев.

### Комсомолецтнэ избирательной участкань члент

Кученяевань Сталин лемсэ колхозонь комсомольской организациясь (секретаресь И. Новиков ягась), кода избирательной кампаниянть анокстамосонть, истя жо нейгак прими активной участия избирательной участканесэ массово-агитационной роботасонть.

Комсомолецтнэнь ютксо сехте вадря агитаторокс лововить Вера Волкова, Александра Герасимова, Н. Прытков ды лият. Неть агитатортнэ избирательтнень ютксо

ютавтсть 4—5 беседат эрва кодамо темас. Сынсь кочкамотнеде Положениядонть башка толковить избирательтнень неень международной ды минек масторонь событиятнеде. Ды прок примерной агитаторт кочказь избирательной участкань членкс, ней сынсь кеместэ кундасть сенень, штобу достойнасто оправдать комсомолецтнэнь доверияст. Образовойстэ ютавтомс местной Советнэс кочкамотнень.

Н. Базайкин.

### Примерной агитатор

Недзязонзо кавксть пурнавкшнить избирательной участкав избирательтне, конатнень марто вети агит-массовой работа Киржеманской вельсоветнэнь первичной комсомольской организациянь секретаресь Родина ягась. Помещениенть, косо вети агит-массовой работа Родина ягась, участкав избирательтне пурнавкшнить прок вейке ломань. Кодак янсяк чокшне сы Родина ягась, козонь пурнавкшнить избирательтне, атак капша карми стенатнева понгавтнеме наглядной пособият ды мейле ушодсы беседанзо. Сон избирательтнень евтни ютазь ды неень шкань эрмодонть. Простойстэ ды яснойстэ толкови избирательтнень туртов велень хозяйствань достижениятнеде ды знатной стахановецтнеде, конат невтить эсь ро-

ботасост трудонь образецт. Тедэ башка Родина ягась толкови Верховной Советнэнь внеочередной нилеце ды ветеце сессиятнень решениядост.

Пек интересуют весе избирательтнень международной положениядонть вопроствэ, тень коряс сон избирательтнень ловны газетат ды эрва вопроствэ лангс максни чаркодевикс ответ.

Вана истямо внимательностензэ ды активностензэ коряс Родина яганть уважают аволь ансяк эсэвзэ участкав избирателензэ, но сон пользуется покш авторитетсэ весе населенияньт ютксоак, секс сонзэ ве мелсьсэ кочкизь селской избирательной комиссиянь секретарекс.

Байгушкин.



—Минь тонь марто ве шкань, нуцькинем: тонгак ды монгак веинек светэньтэ сексия.

(Рис. В. Барковонь ды Ю. Лысенкомь), (ТАСС).

## Границянь

## томбале

Северной Китайсэ английской  
ды французской войскатнень  
саемась

Английской военной министерствася пачти, што Европосо войнанть кувалма английской правительствася решася кадомс Северной Китайсэ войскань ансяк истямо количества, кодамо эряви собственностень ванстоманть ды порядоконь кирдеманть туртов. Те решениядонть пачтызель правительстватненень, конат истяжо кирдять гарнизонт Северной Китайсэ 1901 иень международной протоколонт коряс.

Кода невтни печатесь, Северной Китайсэ английской войскатнень саемадо сообщениянть японской кругтне примизь покш удовлетворениянь чувства марто ды ванкшныть сонзэ кода васенце эськелькс Северной Китайсэ Англиянть эсензэ интереснень эйстэ окончательной отказомонтень.

\* \* \*

Кода пачти японской печатесь, французской правительствася истяжо примася решения саемс часть эсензэ войскатнень эйстэ, конат аштить Северной Китайсэ.

(ТАСС).

## Западной фронтоны

"Пти паризьень" Французской газетася ноябрьн 13-це чистэ военной обзорсовзо сермады, што авиациянть активностезэ сатышкасто виев кавонек енкстнесь. Германской эскадрилиянть, Рейнской областьстэ ливтнесь ветить разведывательной работа Северной морясонть ды Британской островтнень южной ды восточной побережьясо.

Французской авиациясь тейсь глубинной разведка, конат аштить исключительно интереснойкс. Британской эскадрилиянть ливтнесь крупной германской промышленной центратнень велькска ды ерсть кементь тышат листовкат.

Кавто сухопутной операциянть, конатнень немецнть теизь Сааронть эйстэ востоков ды западов, ульсть результаттомокс.

(ТАСС).

## Бельгиясо од налогтнень аравтомаст

Бельгийской правительствася бюджетэнтэ равновесиясо кирдеманзо туртов арси аравтомс од налог 1 миллиард 443 миллион франка общей суммасо. Маласо шкастонтъ ули аравтозъ военной налог, конань обязант пандомс весе граждэнтэ кода бельгийцтнэ, истяжо иностранецтнэяк, сеть ломатнеде башка конатнень улить иждивенецэст. Налогось ули ловозь 50 франкасто 5 тыща франкас суммасо иестэнтэ эрва ломаньстэ, сонзэ доходтнень размерэнтэ лангс ванозь.

(ТАСС).

Ответ. редакторось В. ЗАХАРОВ.



СНИМКАСОНТЬ: Западной Белоруссиянь Народной Собраниянть Полномочной Комиссиянь члентнэ (керш ендю витев): А. С. Малевиц, И. А. Турлейский, С. О. Притыцкий, Ф. С. Пестрак ды Н. И. Гринцевич, конат выступили СССР-нь Верховной Советэнь Внеочередной Ветене Сессиясонть Западной Белоруссиянь Народной Собраниянть Полномочной Комиссиянть заявляниязо коряс.

(ТАСС-нь Фото-клише).

Партиянть историзо  
лезды отличнойстэ  
тонавтнемантень

Чамзинкань средней школань 10-це классонь тонавтиятнень серьезнасто кундась "ВКП(б)-нь историзонть Краткой курсонть" тонавтнемантень. Большевистской партиянть историзо тонавтнесь классонть успеваемостесь кармасть эрва чистэ вадрыладомо, отличниктнень числася кавксть покшолгадсь. Тонавтиятнэ Артемов Гриша, Ариушкина Зина, Гусев Виктор омбоце ие уш глубокойстэ тонавтиять те документэнтъ ды весе предметнень кувалт ловить отличникекс. Теде башка сынъ а берянь общественникъ. Вана месьть тең коряс корты Артемов ялгась:

— Партиянть историзо внушает вечкема весе предметнень ды общественной роботанть. Сон ломанент теи грамотнойкс ды настойчивойкс эрва ушодозь теветень прядомс пес.

И. Симдянов.

Парсте тонавтни  
ВКП(б)-нь  
историянть

Урсува велень аволь полной средней школань А. А. Ваганов учителесь серьезнасто кундась "ВКП(б)-нь историзонть Краткой курсонть" тонавтнемантень. Сон эрва главанть лангс составляет конспект, ВКП(б)-нь историзонть тонавтнемстэ пользуется политической ды художественной литературасо. Течень чис ловнынзе Ленинэнь "Шаг вперед, два шага назад" и "Что такое "друзья народа" и как они воюют против социал-демократов", Калининэнь "Мезе макссь Советской властесь трудицятненень", Новиков-Прибоень "Цусима", Толстоень "Хлеб", Шолоховонь "Тихий Дон", Н. Островскоень "Как закалялась сталь" ды ламо лия произведений.

Ваганов ялгась ней пряды ВКП(б)-нь историзонть тонавтнеманть. Марксизмасо-ленинизмасо овладениясь сонензэ пек лезды, кода избирательной участкосо массово-агитационной роботань ветямосонть, истяжо производственной роботасонтькак. Сон учительтнень ды агитатортнень ютксо ашти примеркс.

Дм. Жуков.

Ардатовской р-н.

## "МАНИЛОВОНЬ НУЦЬКАНЗО"

Б. Березниковской райононь Косогор велень комсомольской организациясь иень перть эзь лисне комсомольской газетатнень страницатнестэ, конатнесэ ламоксть сермадозель те организациянть ковгак а маштовиця роботадонзо, комитетэнтэ бездействилонзо. Весе неть сермадозь статьяне, прокснавт стенас, эсть педя комитетэнтэ члентнень мельс-превс ды те шкас комитетэсь эзь кунда побольшевистски роботамо.

ВЛКСМ-нь ЦК-нь VIII-це ды IX-це пленумонь решениянть, конатне комсомолетнень кармавтыть примамо активной участия весе хозяйственной ды политической эрямосонть, а топавтыть. Колхозсонть берянь трудовой дисциплинась, скотинань кардтнэ ды кардастнэ телентень апокста, но комитетэнтэ члентнэ ды секретаресь Кеняйкин ялгась истя равнодушна вануть весе тең лангс, што мик а ловить эрвиксэкс холдтнемс бригадатнесэ стенгазетат.

Ды внутрисоюзной роботасонть асатыкстнень лангс вануть истя жо маниловской вановтсо. Комсомольской собраниянть эрсить чуростю, лиясто мик ковозонзо вестькак а пуромить собранияс, а бути пуромить, то эзь голословной выстулениясо ансяк арсить ды алтнить вадрылавтомс роботанть. Арсематне ды алтнематне, кода и Маниловонь, кадновить бесплоднойкс. Вана, од ломатнень ютксо культурно-массовой роботанть ладямодо а весть тейнесть решениянть,

но неть решениянть кадновсть ансяк конев лангс. Кодамояк культурно-массовой роботань апокветя, кото ковоень перть овсе эзь касо комсомольской организациясь. Сермас а содыця колхозниктнень стувтызь тонавтомс. Оборонно-физкультурной ды антирелигиозной роботанть комитетэнтэ члентнэ эйстэ кияк мик мельсэяк а кирди. Ды сех покш ды опасной асатыксьсэ се, што комсомолетнэ эйстэ кияк а тонавтни марксизмань-ленинизмань сокровищницанть—"ВКП(б)-нь историзонть Краткой курсонть". Манилов хоть сонсь шкаф лангсо кирдсь келемтязь книга, конань вельтякшнызе пуль васенце главанть лангс, а Косогор велень кой-кона комсомолетнэ кедьска а сайнить кодамояк литературася.

Комсомольской организациянть секретаресь Кеняйкин ялгась кадзызе мик эсензэ меельсь миссиянть—комсомольской членской взностнень примамонть, кой-кона комсомолетнэ пельде эсь чумонзо коряс колмо-ниле ковт эзь прима взност.

ВЛКСМ-нь Б. Березниковской райкомонтень (секретарентень Ави-симов ялгантень) ламоксть ульнесь газетатнесэ серьезна невтезь Косогор велень комсомольской организациянть комитетэнтэ бездействленостезэ лангс, но райкомось мик сур эзь вачкодть сень кис, штобу виевгавтомс те организациянть роботанзо, прок будто, те теветсь аволь сонзэ. Кинь жо те теветсь?

К. Мареськин.

## СЕРМА ЯКСТЕРЕ ФЛОТСТО

Максывек эсь вайгельтнень  
коммунистнень ды беспартийнойтнень  
блоконтэ кис

Весе минек ламомиллионной народось ды сонзэ армиясь ды флотось радостень ды гордостень чувства марто васты трудицянть депутатнень местной Советнэс кочкамотнень чинть. Штобу достойнасто ознаменовать те чинть, минек краснофлотецтнэ эрва чистэ тейнить од успехть боевой ды политической подготовкасонт. Сынъ серьезнасто тонавтиять кочкамотнеде Положениянть ды ветить агитационно-массовой работа колхозниктнень ютксо. Те роботасонть сех активной участия примить комсомолетнэ, конат бесе-

датнень ветить наглядной пособия марто.

Путсынек весе виенек ды стараниянок сень кис, штобу избирательтнень вадрысто анокстамс кочкамотненень ды декабрьн 24-це чистэ весеменень, прок вейке ломань, модемс избирательной участокс ды максомс эсь вальгейтнень коммунистнень ды беспартийнойтнень сталинской блоконтэ кис.

А. МАЛОШКИН.

Черноморской флотонь краснофлотецэсь.